

Regal bogen Papeir vnd mach in auff ein Tisch mit Wax oder sonst wie du wilt / das der Tisch vnnnd das Papeir nit mehr verruckt vnd verenderet werde / wenn man hat angefangen darauff reissen / sonst wurde alles falsch vnnnd vergebne mühe vnnnd arbeit seyn.

Demnach beträcht in deinem Sinn / wie du in dem Fäld / von dem Buchstaben a. gegen dem b. gangen / vnd das Instrument gericht vnnnd gestanden ist / dann das Instrument / sol auff dem Papeir auch also von einem Buchstaben zu dem anderen gewendet werden.

Erstlich steck ein Nadel in das Orth da du den Buchstaben / a. verzeichnen wirst / vnnnd leg das Instrument ganz auff gethan an die Nadel / das die Regel daran das Magnetkästlin ist / allzeit innwers der figur stande / wie es dann in dem Feld auch also ist gestellt worden.

Demnach wend das Instrument vmb biß das Magnetkästlin auff dem fünfften Grad innstahet / vnnnd zlich als dann von der Nadel so in dem Papeir steckt ein Linien dem Instrument nach hinaus gegen der rechten hand von dem Buchstaben a. da jeh die Nadel steckt.

Als dann mach ein Maßstab solcher leng / das du die Linien all auff das Papeir könnest auffreissen vnnnd abtheilen / wie vil Ruten von einem Buchstaben zu dem anderen ist / wie die in dem Feld sind außzeichnet worden.

So du die Lini a. b. wie oben gelehrt gezogen hast / so nimb einen Circel vnnnd set ihn mit dem einen Fuß in den anfang des Maßstabs / vnnnd den anderen in die 90. puncten / dieweyl 90. Ruten von dem a. zu dem b. ist / als dann set den Circel mit dem einen Fuß in den Buchstaben a. vnd halt in mit dem anderen theyl auff die gezogen Linien / vnnnd mach ein puncten vnnnd verzeichne den Buchstaben b. darzu.

Demnach nimb die Nadel so in dem Buchstaben a. steckt / vnnnd steck sie in den puncten bey dem Buchstaben b.